

大明太宗皇帝御制藏經贊

朕惟如來為一大事出現。演三藏十二部之玄言。所以指教垂義者尚矣。自其言流于中土。翻譯其義。以化導群類。非上根圓智之士。鮮能以通之。而得其要者。或寡矣。天治心。道心也者。虛靈明

佛

該貫萬理而無所多聞。必由於藏海。於一心。以是修證。超乎圓妙。常住不動。無有所蔽。此誠末世之津梁。迷途之明炬也。朕撫臨大統。仰承鴻基。念皇考皇妣生育之恩。垂緒之德。劬勞莫報。乃遣使往西土。取藏經之文。刊梓印

贊以願轉

藏

施。以資為薦揚之典。下界一切生靈。均沾無窮之福。如是功德。有不可名言。若夫世之由迷惑真。交纏故業。茫然而莫之所歸者。不究竟於斯。亦莫能得其體。而返其真也。推是心以濟拔流。來慈悲之

于卷首且

如來演義諦 法音遍克周
世界恒河沙 一一皆具足
化導於群類 咸得成正觀
有漏諸微塵 悉超於覺海
歷阿僧祇劫 廣開方便門
迷妄執空華 一切了明微

有一弗徹者

誓不成佛陀

我念念眾生

是故廣演說

深心奉塵刹

俱願澄菩提

上報二重恩

下濟諸途苦

昔登無上覺

欲漏盡消除

成就勝妙心

以拯諸末劫

廣此密因義

布施於竺乾

頻伽大梵音

無少不思議

如十方擊鼓

無礙於音聲

有耳皆獲聞

聞者即成覺

堅固無動轉

永不墮輪回

世尊為證明

作如是贊嘆

功德不可說

永被於生靈

永樂八年三月初九日

佛藏

上海世紀出版股份有限公司上海書店
時代出版傳媒股份有限公司黃山書社

第二五册目錄

正法念處經續前	(卷第四十六至卷第七十)	是六——資十)		一	
佛本行集經	六十卷	隨闍那崛多譯	(父一——與十)		二〇二
佛說大安般守意經	二卷	後漢安世高譯	(敬一——敬二)		五九〇
佛說罵意經	一卷	後漢安世高譯	(敬三)		六〇五
禪行法想經	一卷	後漢安世高譯	(敬三)		六一一
佛說處處經	一卷	後漢安世高譯	(敬四)		六一二
佛說分別善惡所起經	一卷	後漢安世高譯	(敬五)		六一八
佛說出家緣經	一卷	後漢安世高譯	(敬六)		六二六
佛說阿含正行經	一卷	後漢安世高譯	(敬六)		六二七
佛說十八泥犁經	一卷	後漢安世高譯	(敬六)		六二九
佛說法受塵經	一卷	後漢安世高譯	(敬六)		六三一
佛說進學經	一卷	劉宋沮渠京聲譯	(敬六)		六三一
佛說得道梯登錫杖經	一卷	東晉失譯師名	(敬六)		六三二
佛說貧窮老公經	一卷	劉宋慧簡譯	(敬六)		六三四
須摩提長者經	一卷	吳支謙譯	(敬七)		六三五
長者懊惱三處經	一卷	後漢安世高譯	(敬七)		六三九

佛說所欲致患經	一卷	西晉竺法護譯	(敬十)	六六五
佛說越難經	一卷	西晉聶承遠譯	(敬十)	六六四
佛說八師經	一卷	吳支謙譯	(敬十)	六六三
佛說七女經	一卷	吳支謙譯	(敬十)	六六〇
佛說長者音悅經	一卷	吳支謙譯	(敬九)	六五八
佛說龍王兄弟經	一卷	吳支謙譯	(敬九)	六五七
佛說罪業報應教化地獄經	一卷	後漢安世高譯	(敬九)	六五四
佛爲阿支羅迦葉自化作苦經	一卷	失譯師名	(敬九)	六五四
阿鳩留經	一卷	後漢失譯師名	(敬九)	六五二
黑氏梵志經	一卷	吳支謙譯	(敬九)	六五一
孝子經	一卷	西晉失譯師名	(敬九)	六五〇
八關齋經	一卷	劉宋沮渠京聲譯	(敬九)	六四九
獬狗經	一卷	吳支謙譯	(敬八)	六四八
四願經	一卷	吳支謙譯	(敬八)	六四六
未生怨經	一卷	吳支謙譯	(敬八)	六四五
分別經	一卷	西晉竺法護譯	(敬八)	六四二
阿難四事經	一卷	吳支謙譯	(敬七)	六四一
犍陀國王經	一卷	後漢安世高譯	(敬七)	六四〇

阿闍世王問五逆經	一卷	西晉法炬譯	(敬十)	六六七
本事經	七卷	唐玄奘譯	(孝一——七)	六七〇
佛說中心經	一卷	東晉曇無蘭譯	(孝八)	七一九
佛說見正經	一卷	東晉曇無蘭譯	(孝八)	七二一
佛說大魚事經	一卷	東晉曇無蘭譯	(孝八)	七二四
佛說阿難七夢經	一卷	東晉曇無蘭譯	(孝八)	七二五
佛說呵雕阿那含經	一卷	東晉曇無蘭譯	(孝八)	七二五
佛說燈指因緣經	一卷	姚秦鳩摩羅什譯	(孝八)	七二六
佛說婦人遇辜經	一卷	乞伏秦聖堅譯	(孝九)	七三〇
佛說四天王經	一卷	劉宋智嚴共寶曇譯	(孝九)	七三一
佛說摩訶迦葉度貧母經	一卷	劉宋求那跋陀羅譯	(孝九)	七三二
佛說禪行三十七品經	一卷	後漢安世高譯	(孝九)	七三四
比丘避女惡名欲自殺經	一卷	西晉法炬譯	(孝九)	七三五
佛說身觀經	一卷	西晉竺法護譯	(孝九)	七三五
佛說無常經	一卷	唐義淨譯	(孝九)	七三六
佛說八無暇有暇經	一卷	唐義淨譯	(孝九)	七三九
五百弟子自說本起經	一卷	西晉竺法護譯	(孝十)	七四一
佛說五苦章句經	一卷	東晉曇無蘭譯	(當一)	七五三

佛說堅意經	一卷	後漢安世高譯	(當一)		七五九
佛說淨飯王般涅槃經	一卷	劉宋沮渠京聲譯	(當一)		七六〇
佛說興起行經	二卷	後漢康孟詳譯	(當二—三)		七六三
長爪梵志請問經	一卷	唐義淨譯	(當四)		七七八
佛說譬喻經	一卷	唐義淨譯	(當四)		七七九
佛說比丘聽施經	一卷	東晉曇無蘭譯	(當四)		七七九
佛說略教誡經	一卷	唐義淨譯	(當四)		七八〇
佛說療痔病經	一卷	唐義淨譯	(當四)		七八一
佛說業報差別經	一卷	隋法智譯	(當四)		七八二
佛說十二品生死經	一卷	劉宋求那跋陀羅譯	(當五)		七八八
佛說輪轉五道罪福報應經	一卷	劉宋求那跋陀羅譯	(當五)		七八八
佛說五無返復經	一卷	劉宋沮渠京聲譯	(當五)		七九〇
佛說佛大僧大經	一卷	劉宋沮渠京聲譯	(當五)		七九二
佛說大迦葉本經	一卷	西晉竺法護譯	(當六)		七九五
佛說四自侵經	一卷	西晉竺法護譯	(當六)		七九七
佛說羅雲忍辱經	一卷	西晉法炬譯	(當六)		七九九
佛爲年少比丘說正事經	一卷	西晉法炬譯	(當六)		八〇〇
佛說沙曷比丘功德經	一卷	西晉法炬譯	(當六)		八〇一

佛說時非時經	一卷	西晉若羅嚴譯	(當六)		八〇二
佛說自愛經	一卷	東晉曇無蘭譯	(當六)		八〇四
佛說賢者五福德經	一卷	西晉白法祖譯	(當七)		八〇六
天請問經	一卷	唐玄奘譯	(當七)		八〇七
佛說護淨經	一卷	東晉失譯師名	(當七)		八〇八
佛說木槵經	一卷	東晉失譯師名	(當七)		八〇九
佛說無上處經	一卷	東晉失譯師名	(當七)		八〇九
盧至長者因緣經	一卷	東晉失譯師名	(當七)		八一〇
佛說普達王經	一卷	西晉失譯師名	(當八)		八一四
佛說鬼子母經	一卷	西晉失譯師名	(當八)		八一六
佛說梵摩難國王經	一卷	西晉失譯師名	(當八)		八一七
佛說孫多耶致經	一卷	吳支謙譯	(當八)		八一八
佛說父母恩難報經	一卷	後漢安世高譯	(當八)		八一九
佛說新歲經	一卷	東晉曇無蘭譯	(當八)		八一九
佛說群牛譬經	一卷	西晉法炬譯	(當八)		八二一
佛說九橫經	一卷	後漢安世高譯	(當八)		八二二
佛說五恐怖世經	一卷	劉宋沮渠京聲譯	(當九)		八二三
佛說弟子死復生經	一卷	劉宋沮渠京聲譯	(當九)		八二四

佛說懈怠耄耋者經	一卷	劉宋沮渠京聲譯	(當九)		八二六
佛說辯意長者子所問經	一卷	元魏法場譯	(當九)		八二七
無垢優婆夷問經	一卷	元魏般若流支譯	(當九)		八三一

正法念處經卷第四十六

是六

元魏婆羅門瞿曇般若流支譯

觀天品第六之二十五

之十一

又彼比丘復念天中可愛境界根和合生分別風吹數數增長愛火所燒諸世間人貪彼處樂起如是心中甚樂如是比丘繫念思惟彼天失壞比丘於彼可愛境界不生貪樂離熱惱意如是比丘第一善意見六欲天皆悉失壞彼四天處有十二種失壞之事一謂力劣二謂常與阿脩羅鬪彼阿脩羅忽然聞

至入其軍中三謂鬪時為阿脩羅打彼天身所著鎧鉀四謂鬪時撥其頭上所著兜鍪令墮海中五謂壞已則生羞慚六謂鬪時見羅睺羅則生驚怖七謂退時彼天女衆捨之而去向餘天子八謂食時以自業故見食劣者則生羞慚九謂軍衆量色形相莊嚴具等自業相似於他劣者則生羞慚十謂彼天遊戲之時於彼天中所生之鳥見彼劣者亦生輕賤十一劣天向遊戲處步行而往十二劣天所受欲觸自業相似他莊嚴具則為勝妙見

他勝故則生慚耻四天王處有如是等十二失壞如是比丘善修心者不貪天樂以無垢意觀察彼天既觀察已心生厭離毀咎天欲若其有人怖求天故而行梵行如是梵行非梵行因如是等人為彼比丘之所輕賤何以故無自在故又彼比丘觀察三十三天失壞彼見三十三天之中八種失壞何等為八一者鉀劣共阿脩羅鬪戰之時雨墮不淨二者鬪時見彼敵主勇阿脩羅其心退弱三者食時劣者羞慚四者劣天不為天王帝釋所識

五者劣天色力形相一切下劣六者劣天聲觸色味香等皆劣不與他齊七者劣天退天之時天女捨離八者劣天若昇遊戲殿堂之時神通則劣不能速進此是八種三十三天失壞之事夜摩天中有六失壞何等為六一者食時劣者羞慚二者劣天所有教勅天女不受三者劣天少福業故彼天女衆雖供養之不如供養多福德者四者劣天牟脩樓陀夜摩天王說法之時心不愛樂此是彼中最大失壞五者劣天本業少故光明則變若天

前世行善業多彼天則坐大青寶座坐已復起下劣業天在彼處坐座變為銀業種種故如是失壞六者量短如是六種是夜摩天失壞之事兜率陀天有四失壞何等為四一者劣天兜率陀中聞法之時心不喜樂不樂鵝王說法之聲是名失壞兜率陀中鵝王常在無漏樂地彼鵝王者則是菩薩以隨意生故作鵝王如意之色鵝身七寶光明遍滿不可喻色身光周遍五千由旬有種種色兜率陀天光明不如鵝王光勝今彼諸天心生希有

彼鵝王菩薩令彼得生希有心已即為彼天說法偈言
福德業既盡 命則速滅損 勤精進攝法 兜率常應爾 若捨離於法 放逸所壞天 不集福德業 後時則生悔 乃至老未來 亦未有病死 皆應作福德 莫後時生悔 若不攝福德 為放逸壞者 以放逸壞故 在地獄受苦 既得根具足 而非非法行者 何用命與財 親舊兄弟等 常數作福德 心意攝受法 或復止惡業 或時近善人

以智慧利刀 割去惡枝葉 破壞過惡聚
 斷除過相續 重智戒福德 心不希望物
 常近喜男子 示真實道者 若持戒生天
 為欲所迷惑 不修福業者 常在有中行
 若常樂於智 持戒實莊嚴 若畏欲地者
 則是天中天 若常行法者 彼則天應禮
 若顛倒行者 則入於惡道 此岸彼岸遠
 既得法橋已 若不速度者 於有不得脫
 智慧火能燒 無量煩惱薪 何義煩惱縛
 著彼受境界 厚重深欲垢 障礙於智眼
 佛語如良藥 能除彼障礙 正法之大將
 能破欲賊軍 口說善法語 汝應勤聽受
 有四种顛倒 常能為誑惑 世間有八法
 能令一切失 大力愛河中 百疑不可度
 若上智後者 度已到寂靜 若天近於欲
 欲能令心癡 常在於五處 未有解脫期
 欲難得易壞 如電何用為 欲生苦如刀
 金波迎火毒 如是如是近 亦如是增長
 欲者不可足 猶如火燒薪 癡天希欲樂
 不知畏過燒 若離不善欲 後時得大樂

癡者深欲已 為欲堅繫縛 欲如電不異
 然後異趣去 若習近於欲 欲則上上勝
 彼為欲火燒 燒已到燒處 若天近於欲
 此心為大癡 不希無體法 樂中之大樂
 欲者無涅槃 無樂無解脫 是故莫近欲
 近欲甚為惡 若近欲境界 根則不知足
 不知足無樂 寂靜不可得 應畏有為處
 生死之大海 以大惡欲愛 常與眾生故
 如此山峯上 種種可愛樹 依之而修禪
 思惟欲生滅 四種諦寂靜 智者善修行
 怖畏生老死 脫到善彼岸 愚意不思惟
 樂欲故有縛 欲樂既盡已 生老死不脫
 若念此大苦 於有海不倦 癡故欲箭射
 墮地獄惡處 癡樂欲樂故 畢竟捨安樂
 於惡不知畏 死時到如火 乃至死到時
 能破壞一切 此能破壞故 破壞命種子
 皆利益安隱 丈夫應精勤 得樂離憂悲
 恒常作善業 若除於欲藏 離熱得清涼
 如是智不癡 則不希望欲
 如是鵝王調伏天故說如是偈若天放逸行

放逸者雖聞不念心不思惟若天樂聞彼鵝
 所說調伏偈句向無漏地速疾而作欲聞正
 法聞正法已生敬重心如是天眾得聞正法
 心敬重已速速疾走復向行堂彼行堂中所
 有諸天以聞正法心敬重故光明增長百倍
 千倍餘放逸天光明則劣如是天中得現世
 果樂天欲者彼天少色形服莊嚴一切皆劣
 此如是等兜率陀天最初失壞又兜率天第
 二失壞眾集聽法無量百千億數眾會五百
 菩薩所住地處兜率天王名曰寂靜為眾說
 法所謂無明因緣行等彼諸天眾聽正法時
 一心專意諦聽諦聞如是聞故威德莊嚴皆
 悉勝上有百千倍轉更增長若天動心心則
 如電亦如大風吹大海水種種波動以愛因
 緣如是動心愛樂境界彼天威德形服莊嚴
 如本不異不更增長見他勝故內心慚耻此
 則名為兜率陀天第二失壞又兜率天第三
 失壞若天聞法心生敬重如說而知如法相
 知如是知已心念正住彼天威德形服莊嚴
 皆悉勝上有百千倍轉更增長若彼諸天不

念法者彼天威德形服莊嚴則不增長此則名為兜率陀天第三失壞又兜率天第四失壞若彼諸天聞正法時心生敬重專心憶念如法攝取專心受持如是修行久思惟已然後修行彼天如是敬法重法勝因緣故聞汝力故威德光明形服莊嚴轉更勝上有百千倍轉勝增長若天聞已不能修行彼天見他威德光明形服莊嚴勝增長已自見己身威德光明形服莊嚴則不增長彼天見他威德光明形服莊嚴轉勝增長則生慚耻此則名為兜率陀天第四失壞又彼比丘如是觀察兜率陀天四種失壞見失壞已觀化樂天復見失壞彼見如是天勝妙樂猶故而有四種失壞何等為四所謂一者善業盡故脚則有影^{モト}餘身分皆有光明脚上則無是故彼天脚則有影自餘諸天所有光明如山園遠彼少光明劣天見已則避而去光明勝者見之則笑作如是言此天鄙劣善業盡故彼脚影天聞已羞慚心生愁惱如是心言我業盡故今則如是一切具足終必失壞如人世間以

有日故終必有夜如是此中一切具足終必失壞若人有命終必有死如是具足終必失壞如是世間無有具足而不失壞此失壞者是化樂天最初失壞又化樂天第二失壞如閻浮提人中所有劫具等綿甚為柔軟足踰則下舉則還起化樂天中地處柔軟亦復如是若天受報善業盡時地不柔軟脚踏不下舉脚不起餘天見之知其業盡有天見之語餘天言彼天業盡退時將到此化樂天第二失壞又化樂天第三生壞彼化樂天遊戲之時若至樹下遊戲受樂樹則兩華在彼天上此華遍在遊戲處地若天善業欲盡之時樹華不墮不散地處餘天見其樹華不墮不散地處則便說言此天業盡退時將至彼天聞已羞慚愁惱如是心言我今欲退如是失壞此化樂天第三失壞又化樂天第四失壞彼化樂天必定失壞天中具足必定失壞彼化樂天何者第四具足失壞謂一一天住寶地處如是寶地清淨無垢如鏡不異一天之身無量處現見種種影種種形服種種莊嚴如

人界中日輪是一於無量處蓮華水池無量百千種種處現如天身無量百千寶地之中處處皆現如身而見若其有天善業盡者彼天之一寶地中影現而已非處處現如是失壞如是見已餘智慧天既如是見即便說言如天者善業盡故將欲退壞此化樂天第四失壞爾時世尊而說偈言
世間樂具足 不覺知失壞 具足必有失
如日出有夜 如是具足樂 如是必失壞
於欲不知足 是故愛少時 若心愛具足
或希望常樂 彼若捨離愛 如是常得樂
天欲樂未足 已入地獄中 一切皆由愛
是如來所說 若人入地獄 百到若千到
亦以愛網誑 故得如是惡
彼化樂天有如是等四種破壞又彼比丘復觀他化自在天中四種失壞若彼諸天善業將盡臨欲退時則有失壞彼處天中多有種種妙鬘莊嚴天華不萎處處覆地第一善香不可譬喻彼鬘莊嚴有種種色勝妙光明若寶光明於十六分不及其一彼鬘多有七寶

翅蜂常一切時出天歌聲如是他化自在天中天業若盡欲失壞時彼寶翅蜂出不美聲捨如天種種華香到餘處去餘智慧天以知彼天臨欲退故向之說言汝於今者以放逸故退時欲到而不覺知彼業盡天如是聞已復見彼蜂捨至餘處被天自知有如是心我福業盡如天子心生愁苦不可譬喻以見自樂將欲盡故如是心熱與地獄火等無有異唯陰地獄更無此火此是他化自在天中最初失壞又復他化自在天中第二失壞

彼天退時將到彼處諸天業未盡者乘種種寶妙光明殿三處能行所謂虛空地水中行則速疾無所障礙不搖不動若天業盡將欲退時彼殿搖動行則不速自餘諸天見其殿動而語之言汝於今者退時欲到我先曾見餘天退時有如是相彼業盡天如是聞已與天境界將欲離別愁火燒心如地獄火所燒不異此是他化自在天中第三失壞又復他化自在天中第四失壞若彼諸天善業未盡五樂音聲莊嚴具聲皆悉美妙所有歌聲美妙可愛聞已心喜若其有天善業盡者彼天五樂音聲不妙歌聲亦爾如痘不異彼天聞已心不生喜以自業故莊嚴具中聲出說言汝於今者善業盡滅以汝放逸放逸行故汝於今者將欲到於異世間去以業縛故彼天如是以自業故聞莊嚴聲其心極愁作如是言我於今者境界之樂福德業盡彼種種寶所莊嚴憤即時墮落如是見已生大苦惱此是他化自在天中第四失壞於三界中更無有處有物是常一切無常如是六天是失

壞處彼如天善業盡故必定當退此失壞天希望此天持戒生者善業盡時必定當爾如是第五山樹具足地處諸天牟脩樓陀夜摩天王迦迦村陀世尊塔中所有經字示彼天眾如是說言汝等天眾捨離放逸勿放逸行放逸味苦地獄中受一切欲味悉皆如是彼諸天眾聞第三佛所說經已若天放逸樂放逸者放逸則滅於六經中迦迦村陀如來所說第三經竟爾時彼處夜摩天主知彼天眾心生厭離而告之言汝等天眾已聞大仙所說正法能盡諸苦除捨放逸為天人說寂靜之法汝等天眾已聞第三如來之法汝於今者聞法律已精勤修行復聽餘佛所說之法聞已攝取則得利益退此天已不墮地獄餓鬼畜生牟脩樓陀夜摩天王如是說已一切天眾皆白天主牟脩樓陀而作是言唯願天王利益我等安樂我等爾時天主牟脩樓陀告天眾言汝等天眾一切皆看此之第四如來之塔種種珍寶而為莊嚴無量百千光明照耀有種種

寶閣錯奇麗無量功德之所莊嚴光明普覆此天世間一切遍滿爾時天衆白天王言我今已見爾時天主牟脩樓陀告天衆言汝等今者一切共我詣如來塔天衆答言如是天主爾時天主牟脩樓陀并天衆等相隨而去到佛塔已其心清淨頭面敬禮如來之塔心則清涼禮已則起看毗葉婆如來之塔彼如來塔種種妙寶光明照耀如前所說彼佛塔中寶殿之上有經法字利益天人所共說言若有人能成就七法則生天上何等爲七一

者所謂有善男子聞法聞義聞法修行聞法善意隨所聞法心則攝取聞已堅固聞已受持聞已愛樂心生喜樂善男子近七功德具足知識何者七種知識功德皆悉具足所謂一者如說而行二者近他如說行者二者則能如說而行堅固攝取四者得法堅固思惟五者住意六者謂近同善業者七者他教不取他惡近如是等七種功德具足知識云何名爲如說修行如是知識善行善作若有所說知量少說能爲利益時相應說方相應說

不疾不遲多義少語美妙易解與法相應自他利益如是而說如彼所說如是而行云何近他如說行者常正修行身口意等意內外淨猶如真金彼人如是如說修行云何名爲如說而行堅固攝取若有所作普清淨作三種作業觀察彼業善清淨已生天人中乃至涅槃如是之人或自思惟或從他聞此業報樂堅固喜樂堅固攝取如是知識堅固攝取彼善男子云何得法堅固思惟所謂善淨堅固攝取二世利益如是見已堅固思惟如是

堅固思惟意者或從他所得聞堅固善業果已或自思已喜樂真諦如是喜樂真諦知識云何住意此多聞已意則不亂此名住意云何爲近同善業者謂見他人同已功德如是見已則近彼人云何他教不取他惡餘人非法似善法者所不能率如是親近七種功德具足知識善男子者或生人間或生天中此說初法何等復是自餘六法成就彼法得生天上所謂多聞攝取修行不懈怠念不熱惱他不誑等六此等七法如是已說成就如是

七種法者身壞命終生於善道天世界中如七大殿若王大臣乘如是殿五樂音聲歌舞喜笑妙鬘莊嚴如是而行向遊戲處如是七法若人成就行向天處何者多聞而名多聞謂聞真法聞已調伏不生憍慢如其所聞多聞增長不放逸行智不厭足常諮問他自己功德不向他說不調已名此多聞者身壞命終生於善道天世界中此第二法隨順正入修行成就云何第三攝取修行謂聞法已攝取修行若復有人得聞法已於非法律攝取

修行唯聞法已荷法重擔不修不行不取法果若復有人以智慧鈎調伏持戒若智不靜則彼持戒猶如畫燈無有光明不堅不實若持戒中有智和合彼人猶如火燈光明堅而復實得果不虛若修法者得說言堅非唯口中言說爲堅彼人身業口業意業皆悉寂靜身壞命終生於善道天世界中此第三法云何第四名不懈怠言懈怠者所謂不作何名不作隨所作法發已不作不能究竟彼如是法精勤不斷則能究竟若是懈怠不精勤者

不能究竟少發起者於世間法出世間義不具足行若懈怠者一切所作皆悉羸劣為一切人之所輕賤毀咎嫌薄自受苦惱身壞命終墮於惡道生地獄中如是之人懈怠所壞如是懈怠應當捨離如火如刀如墮嶮岸如惡毒蛇若為懈怠所破壞者則不精勤無有威德如羊不異彼則無智種種所作一切不知若智非智若法非法應行不行一切不知何以故以不讀經不聞法故以懈怠故若復有人論開心意於智所知若法非法一切皆知應作不作應行不行一切皆知如是等法智慧所知一切皆知智及精進懈怠者無彼懈怠者如盲人不異身壞命終墮於惡道生地獄中如是之人出世間義一切皆劣受第一苦他舍而乞常依他門希望乞丐常看他面第一惡色頭髮覆眼目乾燥脚爪皮等一切焦枯四出巷中家家乞行辛苦活命一切輕毀此因緣故應當捨離一切懈怠與此相違勤精進者一切所作皆悉成就乃至涅槃何況其餘世間之法身壞命終生於善道

天世界中以是等故若天若人一切皆應捨離懈怠勤發精進時彼世尊毗葉婆佛而說偈言
懈怠意及幻 或慢或惡口 或捨離智等
此是失壞地 親近惡知識 捨離善知識
或復邪見等 此是失因緣 不知善不善
非時而語言 或信婦女等 此不饒益地
近何人何人 何處何處食 身自不利益
此法令人輕 壞勇若失念 或為王所憎
或心堅強等 此法未時死 不諦知業果
及以法非法 離善知識者 則墮於惡道
懈怠若多睡 或貪著諸味 瞋及故妄語
若惡口言說 多貪若憍慢 心動捨離法
若習近姪欲 或讚姪欲法 如是有三過
懈怠是根本 若勤精進者 則無諸使過
一切精進者 必定成就果 如所應精進
業必定得果 如是三種業 能得三種果
三聚三根本 決定有三行
彼佛世尊毗葉婆佛上書字如是說偈毀
些懈怠天眾見已作如是言我等決定捨離

懈怠從此懈怠有枝條過如佛所說懈怠之者若天若人一切作業於一切時一切減劣若天若人不懈怠者次第乃至到於涅槃此第四法人天之中多有所作多有利益又第三法多有所作多有利益所謂念也一切法中能為妨者所謂懈怠如是一切世間之法攝涅槃者念則是根若出家者若在家者念不放逸不放逸行一切所作皆悉成就如是人數數作業如法作業勤發精進隨所希望心念正行彼人五根護五境界心不迷惑眼見色已於彼色中不生欲染心不喜樂如色實見知其根本見如是色根本因緣何因緣生彼人如是知見色已心不濁亂如是彼色則不能牽以如實見如是色故若出家者若在家者若天人等知生色過欲生色過已減色過如是念知某方某處心緣彼色如是境界之因緣故共眼生識由彼境界已生我畏此無垢念能除煩惱我以此念已除如是境界怖畏如是怖畏因緣而生於諸境界第一希望心正念故則能除遣無量種種色境界

怖畏念緣能除於念念中稍除漸除譬如世間善巧銅師以好銅器置火中已然後治之如是數數入火復治勤不休息漸漸除垢令得滑淨如是善念數數除垢爾乃清淨又如瓶師因緣合集以久習故泥團成瓶如是之人勤心發念修集因緣如緣生瓶正念觀察如所著衣從初次第念念至盡如是如是始發善念次第乃至一切過盡得見真諦聖印印心彼過相盡過相盡故人則知之是故若有欲得善者當一切時如實正念若眼綠色

念繩縛心令不動轉如調惡馬如是善念於先住持過去境界攀緣念已如是復遮現眼境界念九十八云何念住謂生欲染不正觀風不能令動如是念住如實思惟此色彼色有無量種無量形相觀四聖諦苦集滅道令彼欲染一切寂靜或令欲染一切盡滅或皆微薄此是何者善法勢力所謂繫念是其根本一切善法皆依念住如是轉行是念現在云何復念未來世法未來未有未生未見彼境界相云何而念若得境界是則可念未來

世中境界未有當云何念彼所念者雖復未來見因緣相攀緣未來如是得念謂見有人終身口意善業行者見已則念如是之人決定生天若見有天惡業行者見已則念如是天者必墮地獄如是念知此第五法於人天中多有所作多有利益又第六法於天人中多有所作多有利益謂第六者不熱惱他若不惱他其心寂靜不生分別此有梵行此無梵行見他數具病藥所須不生讖嫌不自言是亦不說言我能持戒若少持戒少讀誦經

於檀越所不自稱說等心怨親常念三寶不朋破戒不惱持戒於諸檀越不數承承而取資用其心柔潤數數諮請說法師長常住空閑常一切時近梵行者如是功德相應之人不熱惱他如是於他不熱惱故多有所作多有利益又第七法於天人中多有所作多有利益所謂不誑自隱功德除去惡業心意正直衣鉢知足恒常乞食山谷巖窟樹林中住於食知足其心平等無有高下非無因緣人中遊行疑有蟲處不行於彼不壞澤中水岸

河坎畏殺蟲故不咒霹靂雷電雨等今墮傷殺不說星宿日月薄蝕諸曜吉凶而求財物飲食供養以資自命不常往返一檀越家亦不戴面仰頭而行亦不動唇詐作誦習不高聲語亦不私竊不著間雜靴鞋履等不以雜繩用繫身體自身不著雜色香囊至數具等皆悉不畜無戒功德大眾會處則不入中不令他人到於城邑聚落等處說已持戒求望利養不種種處妨亂心意不貪不求不近村住於舊知識親眷等舍不自在入攝令屬已

不彰他惡不隱他德見他實過屏處不說捨棄婦女如遠惡蛇於諸婦女不共語說不與同行饒華之樹一切不往可愛園林亦不遊行畏聞可愛眾鳥聲故畏聞彼聲欲心動故是故不欲聞彼鳥聲饒聲水河不近坐禪畏聞彼聲心動亂故多熏香華不近坐禪亦不近行何以故畏鼻聞香心意動故亦不觀看種種諸鳥種種色鳥鵝鴨命令若孔雀等多欲諸鳥不看見不近彼行畏心動故畏見畜生婦女因緣欲心發故耶子果樹波那婆

樹母柘果樹菴婆果樹毗羅果樹迦卑他樹
波留沙樹佉殊羅等種種林樹不近坐禪恐
畏生心貪其味故捨離果樹在寂靜林無味
可貪無多人衆在安樂行園林之中如是坐
禪勤發精進共過怨聞心恒不亂乃至不取
爲寺因緣犁地之土如是斷愛朽壞鐵鉢以
繩連綴用受飲食而心不念銅銀等鉢不畜
三椀所有粥菜不飜被著於夏天時除大小
便更不餘行乃至一步畏殺蟲故食棄彌果
時食好糞不食爛果食小糞等不看食若
食梨果佉殊羅果梗粟豌豆若菰豆等不看
不食恐畏其內有諸蟲故於自泥壁所生諸
蟲終不除却畏傷損故畏其死故坐處一坐
不觀他鉢畏貪食故若行道時不近他行恐
爲妨故饒蟲之地不大小便畏傷蟲故畏殺
蟲故乞食行時看一身地以直心故恒常親
近正直心者如是比丘不集諸物於一切物
皆不希望於希有物心不樂見常勤坐禪彼
善比丘如是不誑彼善比丘如是持戒清淨
不犯如是淨命如是內心清淨善淨如是比

丘如說學句堅持不犯彼善比丘如心所念
如是道是常淨命故有善意生不樂劣生願
生善道時彼世尊毗葉婆佛而說偈言
清淨命之人 寂靜身口意 坐禪而離愛
去涅槃不遠 頭陀不放逸 塚間樹林中
常如是處住 去涅槃不遠 塵土物數具
一鉢復破壞 根果食知足 彼人安樂行
於欲解脫人 常樂於知足 善意勇健者
去涅槃不遠 不誑誑之人 遠離於塵垢
其心如虛空 去涅槃不遠

彼佛世尊如是讚嘆善行比丘不誑誑者成
就如是七法之人是善男子若行欲者沒生
死海則是畜生形雖是人而實非人若能成
就七法之者則爲善人之所讚嘆身壞命終
生於善道天世界中受天樂已退生人中則
得涅槃以餘業故第一善者此七種法所謂
從初近善知識次第多聞攝取修行不懈怠
念不熱惱他不誑等法如是七法非誑曲法
以如是等七法寶藏之因緣故得生天中若
天等中得七法已莫放逸行令福德盡天中

退已墮於地獄餓鬼畜生故天不應行放逸
行以自破壞於諸有中無有放逸行放逸行
而得樂者人中成就如是七法則生天上有
三因緣天中退已墮於地獄餓鬼畜生所謂
三者不聞正法近惡知識不信業果若不戒
就此七種法墮於地獄餓鬼畜生爾時天主
牟脩樓陀告天衆言此等一切汝等已聞彼
佛世尊以憐愍心利益衆生已如是說時彼
天衆一切皆共白天王言我等今者已聞如
來此所說經彼佛世尊憐愍世間已作利益
爲除放逸故如是說牟脩樓陀夜摩天王告
天衆言汝聞此經勿行放逸天放逸故生於
地獄餓鬼畜生何以故汝以大價貴重之物
貿得此間天中生處今者不應以放逸故令
其空盡如佛所說如是經法攝取正行捨離
放逸於六經中毗葉婆佛所說經典第四已
竟

正法念處經卷第四十六

